

آبونه شرائطی

داخلی، خارجی، مریرایمچون
سنه لکی (۲۵۰)، آلق آیلنی
(۱۳۰) فروشند.

نسخه سی ۵ فروش،
سنه لکی ۵۲ نسخه دو

اداره خانه

باب عالمی ساد مسنده دائره مخصوصه

اخطارات

آبونه بدلی بهیدر

مسئله موافق آثار مع الممنونه
قبول اولنور، درج ابدلین
بازیر اعاده اولونماز

والله یهدی من یشاء الی صراط مستقیم
محمد عاکف

اشرف ادیب

اتبعون اهدکم سبیل الرشاد



۱۳۳۸

دینی، فلسفی، علمی، ادبی، سیاسی
مطالع و مدیر مشول

مجموعه اسلامی در

اخطارات

ادرس تبدیلنده آبریمه بهی
فروش کوندولمیدر

مکتوبلرک امضالری واضح
واوقوناقلی اولسی و آبونه صبره
نومسوسنی محتوی بولنسی
لازمدر

ممالک اجنیه ایچون آبونه اولانلرک
آدرس لری سلاک فرانسزجه ده یازلسی
رجا اولنور

یاره کوندولدیکی زمان نهیه دائر
اولدینی واضحا بیلدیرلسی
رجا اولنور

غرائبی مسئلہ سی حقندہ

دارالحکمة الاسلامیہ اعضا سندن راسم افندیگ خطا عظمی

— ۴ —

غرائبی قصہ سی نقد و عقیدہ مردود

اوجہی رجب : رسول اکرم افندمک « والنجم » سورہ جلیلہ سی قرائتی انسانندہ بوجہ لک شیطا طین انس ، یعنی کفرہ قریش طرفندن سویلنمش اولسی جہتہ کلنجہ : بوندہ دوقرو دکل در . چونکہ بویله برشی اولسیدی ، جناب پیغمبرک در حال بوشہ بی ازالہ ایدرک حق و حقیقہ تصریح ایتسی ، و اوقائی الزام ایدرک اوکلرک آنجق اوندن صدور ابتدکی اظهار ایتسی اوزرینہ واجب اولور و بوجہت دہا زیادہ نقل اولنوردی . حال بوکہ بویله برشی منقول دکلدر . عین زماندہ - رواۃ غرائبی دیکلری وجہلہ - پیغمبر عتاب الہی بوندہ کسب استحقاق ایتزدی . دیمک کہ قصہ نک بوشکلده وقوعی دہ صحیح دکلدر .

مردمہی رجب : شمدی بر جہت قابیورکہ : اودہ بوکلرک رسول اکرمدن صدور ایتش اولسی در . حضرت پیغمبرک بوکلرلی - جاشا - سویلنمش اولسی آنجق اوج صورتلہ اولہیلیر :

۱ - سہو اسویلنمش اولسی ؟

۲ - قسری اولہرق سویلنمش ؟

۳ - اختیاری « »

سہو اسویلنمش بطورنی : - قتادہ و مقاتلدن روایت اولوندینی کی کویا جناب پیغمبرہ نماز قیلار ایکن او یوقلامہ عارض اولوبدہ سہو بوکلرک لسانندن صدور ایتش اولسی بر قاج وجہلہ باطل و مردوددر . بویله سہو جائز اولونجہ ، دیکر موضعلردہ جائز اولور و بو تقدیردہ شرعدن امان زائل اولوردی . عینی زماندہ ساهیدن بو شکلده بر سہوک وقوعی دہ جائز دکلدر . ہایدی فرض ایدہم کہ ، رسول اکرم بویله بر سہودہ بولوندی . فقط ناصل اولدی دہ جبرائیل کلوبدہ سورہی تکرار اوقوتدینی زمان اونلری یئہ تکرار ایتدی ؟ [جناب پیغمبردن بویله بر سہوک وقوعہ قائل اولان بر قسم عبد خرافاتک روایت ایتدکلرینہ کورہ بالآخرہ جبرائیل کلہرک سورہی عرض ایدیور . رسول اکرم سورہی اوقورایکن « غرائبی » ی دہ اوقیور . بونک اوزرینہ جبرائیل « بن سکا بویله برشی کتیرمدہ » دینجہ رسول اکرم محزون اولیور . بوندن صکرہ قلب رسالتناہیلر نی تسلیہ ایچون « و ما ارسلنا .. » ایتلری نازل اولیور . آرتق زوالی عبد خرافاتک روایتلرنہ کی تناقضلرہ دقت اولیوریا ! ہم بوتلری پیغمبر سہو اوقودی دییورلر ؟ ہم دہ تکرار جبرائیل کلوبدہ سورہی اوقومہ سی امر ایلہ دیکی زمان اونلری یئہ تکرار ایتدیکنی سویلیورلر . ابو منصور ماتریدینک دیدیکی کی شیطان بو خریفلرک کندیلرینی اغفال ایتش دہ خبرلری یوق !!]

شیطانک اہباری الہ سورہ مسہ اولسنک بطورنی :

حضرت پیغمبرک بوکلاتی قسری ، یعنی شیطانک اجباریلہ سویلنمش اولسنہ کلنجہ : بر قاج نقطہ نظرندن بوندہ فاسددر . اولہ ، رسول اللہ حقندہ شیطان بویله بر قدرتی جائز اولسیدی بڑہ قارشی دہا بیرک بر اقتداری جائز و بو صورتلہ ناسی دیندن چیقاریر ، و سویلہ دیکمن شیرک کثیری شیطا طینک اجباریلہ اولدینی تجویز ایتک لازم کلیردی . حال بوکہ مؤمنلر حقندہ سیلہ شیطانک بویله بر اقتداری جائز اولدینی یئہ قرآن خبر ویریور . ثانیاً ، شیطان بویله بر اجبارہ مقتدر اولسیدی ، « وحی » دن امان مرتفع اولور دی . چونکہ بو احتمال دیکر برلردہ دہ باقی در .

ثالثاً ، شیطاندن حکایہ طریقہ وارد اولان شو قول الہی نک دلائیلہ دہ قصہ نک بو شکلده وقوعی باطل اولدینی آکلاشیلور : « وما کان لی علیکم من سلطان الا ان دعوتکم فاستجبتم لی فلا تلومونی ولوموا انفسکم ... انہ لیس لہ سلطان علی الذین آمنوا وعلی رہم یتوکلون . انما سلطانہ علی الذین یتولونہ ... الا عبادک منہم المخلصین » بو آیت کریمہلر ، جناب حقک عباد خالصی اوزرینہ شیطانک تأثیری اولامایہ جغنی تصریح ایدیور . عجبا رسول اکرم صلی اللہ علیہ وسلمک سید المخلصین اولدیندہ شک می وار ؟ .. بناء علیہ وقعہ نک بو صورتلہ جریان ایتش اولسی دہ صراحت قرآنیہ مخالف اولدیندن برشی قبول ایتک کفر صریح در .

رسول اکرمک بوکلماتی بیدرک قصہ سورہ مسہ اولسنک بطورنی ..

شمدی بوندہ رسول اکرمک بوکلاتی بالاختیار تکلم ایتش اولسی جہتی تدقیق ایدہم . بو جہتہ قائل اولانلردن بعضیلرینہ کورہ بو عبارلر حد ذاتہ باطل اولدینی حالہ شیطان ، جبرائیل صورتندہ کلہرک بوتلری القہ ایدیور ، - جاشا - پیغمبرہ وحی ایدیور ؟ پیغمبردہ بوتلری قرائت ایدیور ؟ مشرکین بوتی ایشدنجہ تعجب ایدیورلر . بالآخرہ جبرائیل کلہرک سورہی رسول اکرمہ عرض ایدیور ؟ رسول اکرم سورہی باندن اوقویورق بوکلرلی دہ برابر اوقیور . بوکلرلہ کلنجہ جبرائیل : « ماذا صنعت تلوت علی الناس مالم آتک بہ عن اللہ وقلت مالم اقل » دیور . بونک اوزرینہ پیغمبر « بکا سنک صورتندہ بری کلہرک بوجہلری لسانم اوزرینہ القا ایلدی . » بیوریور . [دقت ایدلسون ! بوہدیانلردہ ابن عباسدن عملانک طریقہ مروی در . یسلم کہ بوہدیان و کفرلری ابن عباسہ یاقیشدر دینج بر مؤمن تصور اولنورمی ؟ ...]

بعض جہلہ نک قولہ کورہ دہ رسول اکرم قومک امان ایتسنہ یک زیادہ حریص اولدینی جہتلہ بوکلرلی کندی نفسندن اویدورمش یعنی « اللہ بویله سویلہ یور » دی بیدرک جناب حقہ - جاشا - افترا ایتش و صکرہ یئہ واز کچمش !!!

شہ یوق کہ ، بوسوزلر قطعاً هیچ بر مسلمانک میل ورعبت ایدہ . مہجکی بر ہدیان در ، ردیلہ در . نرہ دہ قالدی کہ ابن عباسدن صدور

ایستون! چونکه برنجی جهت پیغمبرك ملك معصوم ایله شیطان خبیث بینی تمیزایده مەسنی، ایکنجیسی ده وحی ده خائن و مفتری علی الله اولسنی اقتضا ایدر، که بونلرک هر ایکسی ده خروج عن الدین در. بر مسلمانك پیغمبری حقند. بوکي ردیله جرئت ایتسی شایان عفو اولمایه جوق درجه عظیم برکناء در.

خلاصه، «تلك الغرائق الملی...» حقند کی وجوه مذکورہ مختلفه نك تحلیل و تدقیق شبه قالمایه جوق بر صورتده اثبات ایدیور که: بوجهلر، کذب مفترادر. ابن اسحق کده تدقیق وجهله زندقلر طرفندن اوبدورولمش برشی در...

بورایه قدر ویریلن تفصیلاتك هینسی «تمی» نك تلاوتله تفسیر ایدیلسی نظر دفته آلدیغه نوره در. اگر بوضورتله تفسیر ایدلیوب ده «خاطر و تمی قلب» ایله تفسیر ایدیله جك اولورسه، قصه مرویه ایله همان هیجده تعلق قالمایور دیمکدر. پیغمبرك تمیسی زماننده شیطانك، تمیسنه مشابه برشی القا ایتسی اولسی نك بطلانی ده اکلایدیغی جهته بونی آبروجه ایضاحه حاجت یوق در...

ابومنصور مازربنك فکری. — شمدی برده صاحب مذهبیز اولان ابومنصور مازربدی حضرتلری دیکله یلم؛ مشارلیه بو مسئله دن بحث ایدر ایکن شو طرزده حسب حالده بولنیور: «شیطان بوجهلری حاشا پیغمبره دکل، شمدی بو زندیق حریفله سولتیور [۱]. حقیقی تربیه دینه کورمه ین اذهان معصومه یی شبهه دوشوریور. رسالتنیه افندمز بوقیل روایاتدن بری و منزه در.

مفسر به نظامه آلوسی مرهولك بومسئله حقند کی مطالعه سی. — آلوسی مرحوم بومسئله یه دائر اوزون اوزادی یه بیان مطالعاتدن و روایات مصنعه یه ربط قلب ایله نلره جابجا سهام تعریض حواله ایلد کدن صکره دیور که:

«بو حادثه نك وقوعه اصلا احتمال ویریله من. پیغمبر افندمزك ملك ایله شیطانی، نور ایله ظلمتی تفریقده شبهه دوشمسی اصلا قبول اوله ماز. دوشونملی زکه: بوسوزلر معجز اولوب اولماقدن خالی قالمالر. معجز ایسه لکلام الهی اولمری لازم کلور. زیر اباشقه سی ایرادینه مقتدر دکلدر. معجز دکل ایسه لری پیغمبر افندمز تفریق و تمیز بیوره جقلرندن شاشیرمق احتمالی بولونماز. بتون محققین، بووقعه نك اصل و اساسی اولمادیغی بیانده متفق بولنیور. بوذواتك علوم نقلیه ده کی تجرلری کیمسه انکاراید من. عظیم بر اکثریتك مطالعه سی، تحقیق اهمال هیچ بر زمان طوغرو بر حرکت صایله ماز. شبهه سز که بوذوات طرق روایتی تدقیق و تعمیق ایدرک روایاتك مجروح اولدیغی آکلامشلدرد که بودرجه عابنده بولنیورلر. اشبو روایاتك آیات کریمه نك طواهرینه اولان مخالفی میدانده در. هیچ بری اصولی دائره سنده ثابت اولماشدر. بحث ایتدکری آیت کریمه سوره حجه در که مدیه در. [بو تقدیرجه ایش بوسبتون ماشقه بر شکل آلیور.] بووقعه نك محتمی قبولدن کرک

[۱] «ان الصباغین لیوحون الی اولیائهم.»

رسالتنیه افندمزك و کرک مجابه کرامك سنه لرحه اشبو عبارات مصنعه یی قرائت و قرآن اوله رق اعتقاد ایتسی اولدقلری قبول لازم کلور که شبهه سز بونی روایت ایدن بوله جقدی. حال بوک بوباده هیچ بر روایت تصادف ایتمیورز. بر قاج آدمک اختراع ایتدیکی حکایه نك وجه محتمی بوله جفز دیه طواهر قرآنی کافه تاویلده قالمیشمی، جم غفیرك يك جوق تمحص نتیجه سی اوله رق عدم محتمی قائل اولدقلری بر فکرک مدافعه سیله اوضراشمنی بی طرف بروجدان قایل دکل تجویز اید من. برده دوشونلم که حقیقه بوبله بر وقعه تحت ایتسی اولسه ایدی «کتب سته» ده بوکا دائر هیچ بر روایت بولونیه جقمیدی...؟ وقعه نك غراتی حسبیه شبهه سز که جوق کیمسه نك نظر دقتی جلب ایدم جکندن راویسی، اوده منقطع صورتده، بر قاج ذاتی متحصر قالمه جقدی...؟

بوکون صحاح المزده در. هانکیسنده بوبله بر روایت تصادف ایدیورز!...

مفسر به نظامه مطالعه سی: — مفسرین و اصولین دن صدیق خان مرحوم ده شوبله دیور: «بوروايتلرک هیچ بری تأید ایتمه مش و هیچ بر صورتده اثبات ایدیله مەمشدر. مع مافیه محققین، شو عدم ثبوتی ودها طوغروسی بطلانی نظر اعتباره آلمق سزین مدافعات عقلیه و نقلیه ده بولونمشلدرد. [عقلی و نقلی بک جوق ادله سرد ایتدکدن صکره دوام ایله] بز پیغمبر افندمز دن اسناد متصل ایله روایت ایدلمش بوموضوعده بر حدیث بیلنیورز، دیور. بهیق روایات مشروحه راویلرینك کافه مطمون، ذواتدن بولوندیغی سولنیور. امام رازی بوبله باطل و موضوع بر حکایه یی سوبله نك بیله جائز دکل در، مطالعه سنده بولنیور.

خلاصه، بوروايتلری تأیید ایدم جک نه عقلی و نه نقلی بر دلیل بولونما یی کی، رأینه اعتماد اولنان محققینك کافه سی بوروايتلرک عابنده بولنیورلر. اساسا اشبو روایتلرک جمله سی مرسل و یا منقطع اولقدن قورتلدقلری جهته اثبات مدعایه ده دکر کی کورولنیور. نقدن اوله رق روایت ایتسی بزه بر ذات کوسرسونلر! تدقیقه مستند تفسیرلرک هانکیسنی بوفکره مظاهر کوریورلر...؟ بونی کتابلریته قبول ایدلر، هر ایشیتدکلیری یازمق هوسند. بولنان بر طاقم مفسر و مورخلردر. روایتلر ده کی اضطرابی، سندلر ده کی اقطاعی، الفاظده کی اختلافی کیم انکار ایدم بیلور. بودرجه ضعیف بولنان بر روایت فصل مدار محاکمه اولور؟. ابن عباسك تفسیرنده کی سند (کلی نك) دخی اسمنه تصادف اولیورز. بوذواتك ضعیفی ایسه جمله یه معلومدر. دائما موضوع حدیثلرک راویلری مباننده بواسمه تصادف اولنور...، ابن کثیر دیور که: «بوروايتلری تدقیق ایتدم. هیچ بری وجه صحیح ایله مسند بر حالده بولمادم. تصادف ایتدیکم روایتلرک کافه سی مرسل بولنیوردی»

نیسابوری ده قصه حقنه يك چوق ایضاحات ویرمکه برابر روایاتك عدم صحتی فکرنده در.

سیوطی درمثورنده روایتلری عینا آلیوره فقط هیچ بری سند صحیح ایله متصل کورولمور.

قاضی بیضاری - دیور؟ - اطظم مفسرین دن قاضی بیضاری مرحوم غرائیق قصه سنی مجلا نقلا ایتدکدن صکره دیورکه: «بو، عندالحققین مردوددر؛ شیطانك بویله بر القایه قدرتی قبول ایتك قرآنه وثوق و اعتمادی مخل در. شیطان بویله بر شیشه قادر اولدینی کی قرآنه اعتماد قالماز.» (جناب حق شیطانك القا ایله دیکیشینی نسخ ایدرك کندی آیتنی احکام ایدر) معناسنده اولان: «فینسخ الله ما یلقی الشیطان ثم یحکم الله آیاته» قول آلهسیله ده بویله بر شیشه مندفع اوله ماز. چونکه برکرم القایه اقتدار قبول ایدلدکدن صکره احتمال ینه باقی در.....

مفسرین دن ابی البرکات عبدالله بن احمد بن محمود النسی حضرتلری ده: «لایاتیه الباطل من بین یدیه ولامن خلفه... انا نحن نزلنا الذکر وانا له لحافظون... ان عبادی لیس لك علیهم سلطان» آیت کریمه لریله بالاستدلال نه سهواً نه قصداً نه ده شیطانك سلطه و تحکمی ایله رسول اکرم افندمزدن بوکی کلماتك قطعاً صدور ایتمه چکنی، و بویله بر شینك وقوعه قائل اولمق کفر صریح اولدینی سویلور.

تفسیرخان صاحبی ده قصه بی اوزون اوزادی به جرح وردایدور. متأخرین مفسرین دن خطیب شریینی حضرتلری ده روایات مصنعه بی ذکر ایتدکدن صکره فخرالدین رازینك جوابلری خلاصه ایدور؛ و ابن حجر قصه نك صحتی ایچون یهوده یره اطباب مقال ایتمش ایسه ده، قلبه اطمینان و یره جك درجه قوی حائر اولان آنجق قصه نك موضوع اولسی حقنه کی تفصیلات در دیور...

شیخ الاکبر محی الدین ابن عربی حضرتلری ده: «وما کان لی علیکم من سلطان» نص فرقانسیله احتجاجا «اساساً شیطانده بزه قارشی بر استطاعت تسلط یوق در؛ نروده قالدی که «وحی» قارشی بویله بر استطاعت اولسون» دیور.

دارالحکمة الاسلامیه اعضای مقتدره سندن استاد محترم مدقق شهر از میرلی اسماعیل حق بك افندی حضرتلری سیرجلیله نبویه لرینك (۱۱۵) نجی محیفه سنده: «قصه غرائیق» کذب مفترادر، باطل در. صاحب المغازی ابن اسحاق قصه غرائیقك موضوعات زمانده دن اولدیغه قائل در، دیورلر. استاد محترم دیگر بریرده ده شو مسورتله بیان مطالعه ایدورلر:

«غرائیق قصه سنی واقع دکل در. محققین مورخین و محدثین بو قصه نك محض کذب و موضوع اولدیغه اتفاق ایتشلردر. بویله امر واقع شودر: فخر عالم افندمن، محضر مؤمنین و مشرکینده سورة

نجی قرائت بیورمشلر و کندولریله برابر مؤمنین و مشرکین سجده ایتشلردر. اثناء قرائتلرنده غرائیق لفظنی اصلاً تکلم بیورماشلردر. ذاتاً سورة جلیله مذکور اولان «ان هی الا اسماء سمیتوها اتم و اباًؤکم» نظم جلیلی غرائیق قصه سنی قطعی صورتده تکذیب ایدر. چونکه غرائیق سوزی ذکر اولومش اولور. اودقیقه ده مشرکین طرفلرندن بر سورده هم مدح آله و هم ذم آله اجتماع ایدور، دیرك اعتراضاتده بولک جفتلرایدی، حال بوکه بویله بر اعتراض اصلاً مروی دکل در.

«مشرکینك سجده لرینه کنبه: آنلرك سجده لری قصه نك حقنه دلالت ایتز. فخر عالم افندمن خالق بولان الله ذوالجلال حضرتلرینه تعظیما سجده ایتدیکی کی، مشرکین ده کندی معبودلرینه تعظیما سجده ایتشلردر. سجده لری «تلك الغرائیق العلی وان شفاعتهن لترجی» سوزینك قرائته مبنی دکل، بلکه «افرایم اللات والعزی و منات الثالثة الاخری» آیت کریمه سیله ذکر و بیان اولسان معبودلرینه تعظیما واقع اولمشدر...»

استاد محترمك شو افاده لری حقیقه مدقق و حکیم بر اسلام متفکرینه، اسلام آفاده میسی اعضالرینه یاقی شاق بر صورتده در.

افاده قیسه اولمقله برابر قصه حقنه کی عروق شهبانی قلع ایدوب آتیور. چونکه مروی اولان قصه معهوده ده واقع اولان بر شی وارسه اوده مؤمنین و مشرکینك هب بردن سجده ایتمش اولملری در. باشقه جهتی هب اویدورمادر. بونك وجهنده استاد محترمك اراءه ایله دکلری سبب ایسه اك منطقی بر سبب در. او یله یا، مشرکینك سجده ایتمش اولمسندن جناب پیغمبرك «تلك الغرائیق العلی...» بی سوبلیسی نهدن لازم کلسون؛ اك بیوک معبودلری اولان لات، عزى، مناة ذکر ایدلدکدن صکره سجده مشرکین ایچون باشقه سبب آرامایه حاجت وارمی؛.. باشقه بر سبب ده اوله بیلیرکه: اوده سورة جلیله نك فصاحت و بلاغتی در.

خلاصه، غرائیق قصه سنیك زندقلر طرفندن اویدورولش بریالان اولدینی هم نقلا، هم ده عقلاً ثابت در. بورایه قدر و یرمش اولدیغم تفصیلات و ایضاحات بوجهنده شبهه بر اقامش اولدینی جهته بوندن صکره، افکار محدودده احتیاجه موجب شبهه اولان؛ و حق قصه معهوده قبول ایدلدکجه توفیقی ممکن دکل کی کورولن آیت کریمه لرك معناسنی ایضاح ایده چکنز...

آه کیل

احمد محمدی